



BASES REGULADORAS DA CONCESIÓN DE AXUDAS ECONÓMICAS PARA LIBROS E MATERIAL DIDÁCTICO NA EDUCACIÓN INFANTIL PARA O CURSO ACADÉMICO 2026-2027

BASE I. OBXECTO, FINALIDADE, EXCLUSIÓNS E INCOMPATIBILIDADES

1. De acordo cos principios de publicidade, transparencia, obxectividade, libre concorrência, non discriminación e igualdade, e, de conformidade con Plan estratéxico de subvencións do Concello de Barbadás, as presentes bases teñen por obxecto establecer as normas para a concesión, en réxime de concorrência competitiva, de determinadas axudas económicas monetarias, que segundo as disposicións legais vixentes, terán carácter de subvención.
2. En concreto, o obxecto das presentes bases será facilitarlle a adquisición de libros e material didáctico ós/ás alumnos/as de Educación Infantil deste Concello, matriculados en centros públicos e privados en tramos concertados, exceptuando aqueles cursos que se benefician do programa de gratuidade de libros de texto da Xunta de Galicia.
3. A estes efectos, considérase que, segundo as disposicións legais vixentes, as presentes axudas terán carácter de subvención e se concederán polo Concello de Barbadás para a realización de determinadas actividades que complementen os atribuídos á competencia municipal e, en xeral, contribúan ao fomento dos intereses peculiares, e dos intereses xerais da veciñanza do Concello.
4. A finalidade das presentes subvencións será a atención ás unidades de convivencia en desventaxa social e con menor poder adquisitivo do Concello de Barbadás a para axudar á a adquisición de libros e material didáctico ós/ás alumnos/as de Educación Infantil deste Concello, matriculados en centros públicos e privados en tramos concertados, exceptuando aqueles cursos que se benefician do programa de gratuidade de libros de texto da Xunta de Galicia.
5. Para os efectos desta convocatoria, considéranse subvencionables os gastos así considerados, nas contías, importes, porcentaxes, conceptos e demais límites que



Concello de Barbadás

se establezan no correspondente apartado.

6. Con carácter xeral, quedan excluídas do ámbito de aplicación desta convocatoria as seguintes actividades:
 - a) Aquelas que sexan solicitadas noutras convocatorias doutras concellerías do Concello de Barbadás.
 - b) Aquelas incluídas nun Convenio de Colaboración co Concello de Barbadás.
 - c) Aquelas que poidan ser consideradas ilícitas ou irregulares, entre outros motivos:
 - i. As que se executen sen o cumprimento e sometemento á normativa vixente que sexa de aplicación, en materia tributaria, ou laboral, ou de semellante natureza.
 - ii. As que, para a súa execución, non contén cos permisos e licencias necesarios, ou incumpran en materia urbanística, de utilización de dominio público, de normativa sectorial de espectáculos públicos, etc.
 - iii. As que poidan ser constitutivas de infracción administrativa ou penal.
 - iv. As constitutivas de condutas discriminatorias de calquera clase ou lesivas de dereitos fundamentais das persoas.
 - v. As que encubran actividades ilícitas ou irregulares.
 - d) Aquelas que non cumpran cos requisitos fixados nas presentes bases.
7. As axudas serán incompatibles con calquera outra axuda que puidera percibirse coa mesma finalidade de outras institucións públicas ou concertadas.
8. O procedemento de concesión desta subvencións tramítase en réxime de concorrencia competitiva, e, segundo as seguintes normas:
 - a. A Lei 38/2003, xeral de subvencións e disposición de desenvolvemento
 - b. A Lei 9/2017, de subvencións de Galicia
 - c. A Ordenanza Xeral Reguladora de Subvencións do Concello de Barbadás, versión definitiva no Boletín Oficial da Provincia de Ourense, núm. 93, de 19 de maio de 2025.

BASE II. NATUREZA, CONTÍA E FINANCIAMENTO DAS SUBVENCÍONS

1. As axudas que se conceden teñen natureza de subvención, nos termos previstos no artigo 2 da Lei 38/2003, do 17 de novembro, xeral de subvencións, e, terán tal condición,

Concello de Barbadás



Concello de Barbadás

aos efectos que correspondan, segundo as obrigas tributarias que poidan proceder para as persoas perceptoras das mesmas.

2. A concesión das presentes subvencións está supeditada á contía especificada nos orzamentos do Concello de Barbadás para tal finalidade, vixentes no momento da convocatoria. En concreto:

Aplicación orzamentaria núm.	Contía máxima
326.480.01	4.000 €

3. O crédito previsto e polo tanto a concesión das subvencións, queda sometida á condición suspensiva de existencia de crédito adecuado e suficiente no exercicio 2026 para financiar os deberes derivados da convocatoria.

4. As contías individuais terán as limitacións que se recollen nas bases correspondentes.

5. As solicitudes serán tramitadas por riguroso orde cronolóxico de solicitude, ata o esgotamento do crédito orzamentario.

BASE III. CONDICIÓN DE BENEFICIARIO

1. Terá a consideración de beneficiario de subvencións a persoa que haxa de realizar a actividade que fundamentou o seu outorgamento ou que se atope na situación que lexítima a súa concesión, así como, de ser o caso, as que resulten da aplicación do artigo 11 da Lei Xeral de Subvencións.

Requisitos específicos. As persoas solicitantes deberán cumprir, ademáis os seguintes requisitos, no momento da convocatoria:

- Conten con nenos e nenas o seu cargo, escolarizados en centros públicos ou concertados.
- Estar empadroados no Concello de Barbadás, segundo o artigo 16 da Lei 7/85 do 2 de Abril, Reguladora das Bases de Réxime Local.
- Estar matriculados na Educación Infantil (3, 4 e 5 anos) durante o curso para o que se concede a subvención.

Concello de Barbadás



Concello de Barbadás

- d. Non exceder o nivel máximo de ingresos establecido nas presentes bases.
- e. Pertencer a unidades de convivencia, cuxos ingresos totais non poderán exceder CINCO MIL SETECENTOS EUROS NETOS (5700 Euros) por membro familiar anual (Exemplo: tres membros, pai, nai e un fillo, $5700 \times 3 = 17100$ Euros.). Para o seu cálculo estarase ao disposto na Base X
- f. Non poderán recibir axuda económica destinada a compra de libros de texto e material para educación infantil para o curso 2026-2027, calquera que sexa a renda familiar per cápita que puidera resultar ó computar os seus ingresos anuais, aquela persoa solicitante que forme parte de familias nas que calquera dos seus membros computables sexa obrigado a prestar declaración polo imposto sobre o Patrimonio, ou non estea ó día das obrigas tributarias e coa Seguridade Social.

BASE IV.- DEBERES DOS BENEFICIARIOS

- 1. Con carácter xeral, os beneficiarios das subvencións estarán obrigados ao cumprimento das disposicións que sinala o artigo 11 da Lei 9/2007, do 13 de xuño, de subvencións de Galiza e as demais obrigas as que resulten da lexislación en materia de subvencións.
- 2. Con carácter específico, deberán cumprir as que, especificamente se relacionan a continuación:
 - a) Cumprir co obxectivo das actividades obxecto da subvención.
 - b) Xustificar o cumprimento da finalidade da actividade obxecto da concesión da subvención
 - c) Someterse ás actuacións de comprobación e control dos órganos competentes e remitir a información que se lle requira, en especial en materia de control financeiro da subvención.
 - d) Gastar o total da subvención concedida en alimentos especiais e adecuados para atender as necesidades específicas das persoas afectadas pola citada enfermidade.
 - e) Gastar o total da subvención concedida en establecementos comerciais situados no termo municipal do Concello de Barbadás.



Concello de Barbadás

- f) Gastar o total da subvención concedida durante o ano natural no que se concede a subvención.
- g) Conservar os tickets, facturas ou xustificantes acreditativos do importe concedido durante un período de 4 anos dende o pago da subvención.
- h) Estar ao día no pago de impostos municipais.
- i) Comunicar ao Concello a obtención doutras subvencións ou axudas que financien os gastos subvencionados.

BASE V. SOLICITUDE E DOCUMENTACIÓN

1. A solicitude da subvención, xunto con toda a documentación necesaria, presentarse, obrigatoriamente, a través do TRAMITE ESPECIFICO creado, polos seguintes medios:

- Electronicamente exclusivamente do trámite específico “Solicitude de AXUDA económica para libros e material para infantil curso 2026-2027” creado na sede electrónica do Concello de Barbadás <https://barbadas.sedelectronica.gal>

- Presencialmente no Rexistro da Casa do Concello (rúa Cimadevila 1, Barbadás) ou no rexistro das Oficinas Municipais de A Valenzá (rúa do Viso 2, A Valenzá), ou en calquera dos medios establecidos no artigo 16.4 da Lei 39/2015, do 1 de outubro, de Procedemento Administrativo Común.

No caso de que se presenten por algún dos medios establecidos nos apartados b), c) ou e) do artigo 16.4 da Lei 39/2015, do 1 de outubro, de Procedemento Administrativo Común, deberán enviar o resgardo acreditativo da solicitude ao enderezo electrónico santino.fidalgo.f@barbadas.es

O prazo de presentación será DUN (1) MES contado a partir do día seguinte á publicación do extracto no Boletín Oficial da Provincia de Ourense.

2. A solicitude de subvención deberá presentarse acompañada da seguinte documentación complementaria:

Concello de Barbadás



Concello de Barbadás

A. Documentación acreditativa da situación xeral:

- a. D.N.I. da persoa solicitante.
- b. D.N.I. do representante legal:
 - i. Se a persoa solicitante esta incapacitada legalmente ou é beneficiario de medidas de apoio, salvagarda ou protección no ámbito civil, ademais deberá aportar copia do auto ou sentenza acreditativa de tal condición.
 - ii. Se a persoa solicitante é menor de idade, ademais deberá aportar fotocopia do libro de familia que acredite o parentesco, acompañado do D.N.I. dun ou de ambos os dous proxenitores.
- c. Cando na unidade familiar estea formada por persoas separadas legalmente ou divorciadas, ademais aportarán fotocopia da sentenza de separación ou divorcio, ou a que contemple o convenio regulador correspondente. Nos casos en que non se perciban pensión alimenticia ou compensatoria, aportarán a denuncia por incumprimento da sentenza de separación ou divorcio, ou convenio.
- d. Certificación da conta bancaria, para a realización do pago da axuda.

B. Documentación acreditativa da situación :

- a. Resgardo de matrícula do curso para o que se solicita a subvención
- b. Libro de Familia.
- c. Facturas debidamente conformadas dos libros e material adquirido para o neno/a para o curso 2026-2027.

C. Para os suxeitos pertencentes á unidade familiar da persoa beneficiaria que estean obrigados á declarar por IRPF deberá aportarse copia do Modelo 100, relativo á auto-liquidación do Imposto sobre a Renda das Persoas Físicas correspondente ao exercicio 2025, de tódolos membros computables da familia con obriga de declarar.



Concello de Barbadás

D. Para os suxeitos pertencentes á unidade familiar da persoa beneficiaria que non estean obrigados á declarar por IRPF en relación ao período impositivo correspondente ao exercicio 2025, e que sexan maiores de 18 anos:

- a. No seu caso, Certificado de Empresa: Quen non teña obriga de facer declaración aportarán un certificado de Empresa correspondente ó exercicio 2024 ou datos que acrediten os ingresos obtidos no ano 2024 .
- b. No seu caso, Certificado de Vida laboral
- c. No seu caso, Certificado de acollemento familiar remunerado.
- d. No seu caso, Certificados de pensións recibidas
- e. No seu caso, Certificado de percepción da RISGA (Renda de Integración Social de Galicia).
- f. No seu caso, Certificado de percepción da axuda do Ingreso Mínimo Vital (IMV).
- g. No caso de desempregados que non percibiron subsidio de desemprego durante o ano 2025, presentarase un certificado do Instituto Nacional de Emprego que o acredite. Asemade, se percibiu algunha cantidade por desemprego, presentará o correspondente certificado.
- h. No caso de emigrantes retornados e inmigrantes deberán presentar unha certificación dos ingresos obtidos no ano 2025 no país correspondente, cun informe bancario sobre a cotización media da moeda de dito país nese ano. No caso de estar un membro do matrimonio no estranxeiro e outro retornado, deben acreditar os ingresos obtidos no ano 2025 mediante certificacións oficiais.
- i. No caso de persoas sen ingresos. No caso de non poder xustificar ningún tipo de ingresos familiares (por non telos realmente), realizarase declaración xurada da non percepción de ingresos algúns. Neste caso o Concello resérvase a facultade de comprobar este extremo, denegándose ou anulándose as axudas no caso de falsidade, sen prexuízo das sancións ou responsabilidades en que incorra o declarante.

E. No seu caso, Certificado do grado de discapacidade.

F. No seu caso, Certificado de familia mono-parental.

Concello de Barbadás



Concello de Barbadás

3. O Concello poderá solicitar, se o considera oportuno para a resolución do procedemento, calquera outro documento que estime conveniente, así como a comprobación dos datos recollidos na solicitude. En todo caso, o cumprimento das obrigas tributarias e de estar ao corrente de pagos co Concello de Barbadás comprobarase de oficio.
4. Os/as solicitantes serán responsables da veracidade dos documentos que presenten. Excepcionalmente, o Concello poderá requirir a exhibición do documento orixinal para a comparación de la copia electrónica presentada.
5. Solo se admitirá a documentación en formato PDF non admitíndose, en ningún caso, fotografías dos documentos necesarios para a solicitude.

BASE VI. PRAZO E FORMA DE PRESENTACIÓN DAS SOLICITUDES

1. En cumprimento do deber imposto polo artigo 14 da Lei 39/2015, do 1 de outubro de procedemento administrativo común das administracións públicas (LPAC), establécese o emprego de medios electrónicos para presentar e tramitar a solicitude desta subvención a través da sede electrónica do Concello de Barbadás, <https://barbadas.sedelectronica.gal/>, no trámite específico que se estableza.
2. En caso de que se presente a solicitude de xeito presencial, se requirirá a súa emenda mediante a súa presentación electrónica. A estes efectos, se considerará como data de presentación, a data da solicitude tramitada por medios electrónicos.
3. Todas as solicitudes, así como as posibles emendas telemáticas contempladas no parágrafo anterior, se deberán remitir antes de que finalice o prazo outorgado para a súa presentación.
4. Sen prexuízo do anterior, de conformidade co disposto na Base V. 2, e de conformidade co disposto no artigo 6.3 da Ordenanza xeral reguladora de subvencións do Concello de Barbadás (B.O.P. núm. 93, de 19 de maio de 2025), exceptúanse da obriga de presentación por medios electrónicos ás persoas físicas en situación de risco por fenda dixital. A estes efectos, a situación de risco por fenda dixital deberá constar en informe específico expedido polos servizos sociais do Concello. Nestos casos, a documentación será tramitada polas oficinas de asistencia en materia de rexistro,

Concello de Barbadás



segundo o disposto no artigo 16 da Ley 39/2015.

BASE VIII. PROCEDEMENTO

1. O procedemento para a concesión das subvencións previstas nestas bases se axustará ao establecido na Lei 39/2015, de 1 de Outubro, do procedemento administrativo común e das administracións públicas, na Lei 9/2007, do 13 de xuño, de subvencións de Galiza, e nas disposicións aplicables da Lei 38/2003, de 17 de novembro, xeral de subvencións, no Real Decreto 887/2006, de 21 de xullo, polo que se aproba o regulamento da citada Lei 38/2003 e na Ordenanza Xeral Reguladora de Subvenciones do Concello de Barbadás, versión definitiva no Boletín Oficial da Provincia de Ourense, núm. 93, de 19 de maio de 2025.

2. En aplicación de la Lei 7/1985, de 2 de abril, Reguladora das Bases do Réxime Local, a competencia para a concesión de subvenciones corresponde ao alcalde/sa ou ao órgano que sinalen as bases de execución do orzamento ou os acordos de delegación de competencias, cando non superen el 10% dos recursos ordinarios do orzamento; no resto dos casos o órgano concedinte será o Pleno.

3. A administración revisará os expedientes de solicitude e verificará que conteñen a documentación esixida. Se está incompleta ou defectuosa, se requirirá ao solicitante para que no prazo de dez días hábiles remita a documentación necesaria ou corrixa os defectos observados, facéndolle saber que, en caso de incumprimento, se entenderá que desiste da súa solicitude (art. 68 de la LPAC).

4. O órgano instrutor do procedemento será a Concellería de Educación.

4. A Comisión de Avaliación é o órgano colexiado ao que se refire ao que se refire o artigo 21 da Lei 38/2003, xeral de subvencións, e corresponderanlle as atribucións legais conferidas, a función de actuar como comisión de valoración das subvencións e a formulación das propostas de concesión das subvencións.

5. A Comisión de Avaliación se constituirá para o efecto e estará integrada por:

- Presidente/a: A persoa titular da Concellería de Educación, ou persoa na que delegue.



Concello de Barbadás

- Vogais: Dous empregados públicos municipais, con experiencia, competencia ou coñecementos acreditados sobre a materia.
- Secretario/a: O/a secretario/a do concello (con voz e sen voto), ou persoa na que delegue.

6. O órgano concedinte será a Xunta de Goberno do Concello de Barbadás.

7. Calquera alteración das condicións que se teñan en conta para a concesión da subvención e, en todo caso, a obtención concorrente de subvencións, axudas, ingresos ou recursos de financiación procedentes doutras administracións públicas ou entidades, poderá dar lugar á modificación da resolución de concesión.

BASE IX. GASTOS SUBVENCIONABLES

1. Considéranse gastos subvencionables os que, de maneira indubidable, respondan á natureza da actividade subvencionada e se realicen no prazo establecido por estas bases reguladoras.
2. Serán subvencionables os gastos que sexan realizadas e efectivamente no ano natural da convocatoria.
3. Para ser considerados como subvencionables os gastos deberán realizarse en libros de texto e material escolar para o curso para o que se solicita a subvención polo neno/a solicitante da subvención.
4. O importe das axudas en ningún caso poderá ser de tal contía que, illadamente ou en concorrencia con outras subvenciones ou axudas doutros organismos públicos ou privados, supere o coste da actividade subvencionada.
5. O importe da axuda en ningún caso poderá exceder do total do gasto acreditado e ata un máximo de 100 €, ou o esgotamento da partida orzamentaria consignada.

BASE X. CRITERIOS DE VALORACIÓN E CONTÍA DA SUBVENCIÓN

1. A Comisión de Avaliación formulará a proposta de concesión ou denegación da subvención, así como a súa contía económica, tendo en conta o seguinte baremo de



aplicación.

2. En primeiro lugar, determinarase a renda familiar total aos efectos da concesión da subvención, considerando como tal a suma dos ingresos obtidos pola totalidade dos membros da unidade familiar, do seguinte xeito:

- a) Nos casos de membros que presenten auto-liquidación por IRPF, a contía sinalada na casilla relativa á base imponible xeral e do aforro do imposto.
- b) Nos casos de membros que non presenten auto-liquidación por IRPF, nos ingresos que consten no documento que acredite a percepción de tales ingresos.

3. En segundo lugar, determinarase o número de membros que forman a unidade familiar, que serán a persoa solicitante e as súas persoas proxenitoras coas que convivan no domicilio familiar, así como os irmáns solteiros menores de 23 anos que convivan no domicilio familiar ou os maiores de idade cando se trate de persoas con discapacidade física, psíquica ou sensoriais, así como os ascendentes dos pais que xustifiquen a súa residencia no mesmo domicilio co certificado municipal correspondente. No caso de pais divorciados ou separados computarase o novo cónxuxe ou a nova parella unida por análoga relación, que teña o pai ou a nai e os fillos aportados pola nova parella e os ascendentes en primeiro grado que xustifiquen a súa residencia no mesmo domicilio.

Computárase un membro máis á unidade familiar:

- No caso de presentar algún de eles un grado de discapacidade igual ou superior ó 33% ou situación similar.
- Ser familia monoparental.
- No caso das familias formadas por un pai ou nai que queda a cargo das fillas e fillos sen que haxa custodia compartida.

4. En terceiro lugar, determinarase a *renda per capita* pertencente a cada membro da unidade familiar, tomando en consideración a renda familiar total calculada consonte ao parágrafo 2, dividida entre o número de membros da unidade familiar, calculados consonte ao parágrafo 3.

5. Se a renda per cápita é igual ou inferior ao límite establecido na Base III (5.700€), a subvención entenderase concedida.



BASE XI. RESOLUCIÓN E NOTIFICACIÓN

1. O órgano instructor, á vista do expediente e do informe do órgano Colexiado, formulará a proposta de resolución provisional, debidamente motivada, que deberá notificarse aos interesados de acordo co previsto no art. 40 e seguintes da Lei 39/2015, de 1 de outubro.
2. Poderase prescindir deste trámite de audiencia cando non figuren no procedemento nin sexan tidos en conta outros feitos ou outras alegacións e probas que as aducidas polos/as interesados/as.
3. Neste caso a proposta de resolución provisional formulada terá o carácter de definitiva.
4. Unha vez efectuada a proposta de resolución definitiva por parte do órgano instructor, elevarase ao Alcalde do Concello para que proceda á resolución do expediente, que será notificada a todos os solicitantes de acordo co previsto no art. 40 e seguintes da Lei 39/2015, de 1 de outubro.
5. A concesión das subvencións a que se refire a presente ordenanza non implicará relación contractual ningunha de carácter civil, laboral, administrativo ou de calquera outro tipo entre o Concello e a persoa ou entidade beneficiaria da subvención.
6. A resolución pon fin á vía administrativa, podendo interpor alternativamente recurso de reposición potestativo ante o órgano que a ditou, no prazo dun mes a contar desde o día seguinte ao da recepción da notificación, de conformidade cos artigos 123 e 124 da Lei 39/2015, de 1 de outubro, do Procedemento Administrativo Común das Administracións Públicas; ou ben interpor directamente recurso contencioso-administrativo, ante o Xulgado do Contencioso-Administrativo desta Provincia, no prazo de dous meses, a contar desde o día seguinte ao da recepción da presente notificación, de conformidade co artigo 46 da Lei 29/1998, de 13 de xullo, da Xurisdición Contencioso-Administrativa. Se se optase por interpor o recurso de reposición potestativo non poderá interpor recurso contencioso-administrativo ata que aquel sexa resolto expresamente ou se se produce o seu desestimación por silencio.

BASE XII. PAGO E JUSTIFICACIÓN

Concello de Barbadás



Concello de Barbadás

1. O pago das subvencións se realizará nun único desembolso.
2. Non se poderá realizar ningún pago se a persoa beneficiaria non está ao corrente das súas obrigas tributarias ou de natureza análoga coa Axencia Estatal da Administración Tributaria, a Tesoureira Xeral da Seguridade Social, a Axencia Tributaria de Galiza ou co Concello de Barbadás. Tales circunstancias deberán acreditarse novamente cando os certificados que consten no expediente carezan de vixencia.
3. De conformidade co artigo 28.9 da Lei 9/2007, do 13 de xuño, de subvencións de Galicia, as subvencións que se concedan en atención á concorrência dunha determinada situación no perceptor non requirirán outra xustificación que a acreditación por calquera medio admisible en dereito da devandita situación previamente á concesión, sen prexuízo dos controis que puidesen establecerse para verificar a súa existencia
4. A estes efectos, lémbrese que toda subvención poderá ser obxecto de control financeiro posterior, nos termos previstos na propia Lei xeral de subvencións e na normativa de control orzamentario.

BASE XIII. INCUMPRIMENTOS

1. No caso de duplicidade de concesión, o Concello revocará a súa axuda, con obrigación por parte do beneficiario de reembolsar a cantidade recibida no prazo de 15 días a contar desde a comunicación. Igualmente procederá a revogación se se descubrira ocultación ou falsidade dos datos.
2. Toda alteración das condicións que se tiveron en conta para a concesión da subvención e, en todo caso, a obtención concorrente de subvención doutras administracións públicas ou entes públicos ou privados, poderá dar lugar á modificación da resolución da concesión e, de ser o caso, á incoación do expediente de reintegro.

BASE XIV. RESPONSABILIDADES E RÉXIME SANCIONADOR

1. Os beneficiarios da subvención quedarán sometidos as responsabilidades e réxime sancionador sinaladas no título IV da Lei Xeral de Subvencións.
2. Para efectuar unha mellor valoración das solicitudes e a resolución do expediente, o

Concello de Barbadás



Concello de Barbadás

Concello poderá dispor que se efectúen as comprobacións que considere oportunas para acreditar a veracidade dos datos presentados polos solicitantes.

3. Os beneficiarios, baixo a súa responsabilidade, estarán obrigados a comunicarlle ao Concello a obtención de subvencións ou axudas para a mesma finalidade procedentes de calquera administración pública ou ente público ou persoal.

DISPOSICIONS FINAIS.

Primeira.- Calquera interpretación destas bases reguladoras será realizada pola Comisión de Avaliación.

Segunda.- Para o non previsto nestas bases será de aplicación a Lei 38/2003 xeral de subvencións, e o RD 887/2006 que aproba o regulamento de dita lei, e la Lei 9/2007, de 13 de xuño de subvencións de Galiza.

Terceira.- Esta convocatoria entrará en vigor ao día seguinte ao do seu publicación no Boletín Oficial da Provincia de Ourense.